

福建金石志卷十七

存目一金

銅鈹

南安縣志云十二都間洋鄉黃氏宗祠藏有銅鈹一片係唐時舊物垂拱二年泉州黃長者守恭以紫雲桑蓮著異捨宅建開元寺祀檀樾有四子分居南惠溪同沿今稱爲四安黃氏當分居之時僧匡謨禪師曰長者功德宏施異日子孫定必昌熾將饒鈹二副并所衣袈裟製作四塊令四子各裹一片執去以爲後日記識長子分支南安肇宅間洋後經兵燹遺埋於瀘溪田中夜現毫光土人見而異之携鋤掘之得袈裟銅鈹其袈裟見風立化銅鈹一片知爲黃氏故物復藏之閩洋祠堂中至今光采鮮潔色澤如新每鄉會試屆期本房裔孫有獲雋者則鈹上先起一點青暈揭榜後旋滅如故多則多暈無則無暈其足爲科甲之兆靈驗不爽故黃氏寶而什襲藏之有子姪欲觀必先具衣冠禮拜而

福建金石志 存目一

福建通志
總卷二六

後開函諦視外人莫得見也其分居惠溪同之饒鈹聞皆遺落無存矣
飛山寺廢鐘

竹間十日話云程咬金監造

天慶觀鐘

臨汀志云唐天寶五年郡司馬朝議大夫魏齊之鑄捨自爲之記銘

唐明皇銅像

後湘二集云漳州開元寺中舊有唐明皇銅鑄御容及宋仁宗御書經疏一百二十卷今皆不存獨咸通塔耳

又

臨汀志云唐明皇真容九域志云在至道宮今州城天慶觀三清殿有銅鑄道裝像是也

金觀音大士像

政和縣志云唐邑人倪智耕於琵琶原獲金觀音佛像高五寸持歸而

敬奉之乾符中巢寇畧閩執智索金像智與之賊曰若斫不入乃真金也乃抽刀斫其頸者二皆入賊知非真金還智後又有欲持金像去者智惜之乃詭言初被賊斫其身不入賊異而問其故以金像告賊視之頸有三兩瘡遂釋智而還其像於是聞者神之不敢持去智乃創庵於禪巖宋開禧元年僧海蟾改爲院智之十世孫士龍又請文於陳仲弓以實其事建甯府知府張叔椿採之登於郡志

文廟銅鐘

政和縣志云鑄於閩永隆元年實晉天福四年重二百十四觔初爲護國寺鐘宋朱子移縣於學清康熙乙卯報遭廢壞解府驗看念名賢改移不忍毀棄仍批發回教諭鄭熙探訓導唐天簡邑紳游之武誌其事謂自鑄迄今九百載

銅北帝像

政和縣志云在石屯北帝廟高與人齊相傳宋時洪水漂流至石屯溪

福建金石志

存目一

二

福建通志
總卷二十六

鄉人見而移之遂建以祀

開元寺大銅鐘

臨汀志云長八尺許徑四尺餘厚四寸餘元豐三年庚申寺僧善思募緣鑄造歷一紀積千緡未興工以銅禁止郡人梁程詣闕進狀旨允始辦料再化到千緡及七寶等告成於紹聖乙亥時郡守林公可郡倅葉公庭芳住持則僧宗祐也聲至遠聞于五十里外

報恩寺古鐘

政和縣志云在界口報恩寺廣周圍十尺宋紹興十六年十月建州陶

明亮鑄

長慶寺鐵鐘

西湖志云宋開禧三年造

東林庵古鐘

政和縣志云在長城東林庵元大德初鑄清康熙五十八年移於天堂

庵

長慶寺銅鐘

西湖志云元延祐四年造

梵天寺鐘

亦園脞牘云相傳同安大輪山梵天寺隋鐘唇厚三寸許聲洪而遠縣鐘木梁歷年不腐上壓草屨大盈兩尺綰以鐵繩橫高且危訪之乃明洪武間所鑄上有心經字結體蒼勁有法惜非隋代物

福建金石志 存目一

三

福建通志
總卷二十六

福建金石志卷十八

存目二 唐

章仙壇碑

在連江 開元中

三山志云光化寺乾甯元年置舊有章仙壇開元中有勅書碑碣記其事政和尚道教寺僧恐更爲道官乃盡毀而棄之今山僅有殘斷字漫不可考

衍案在連江保安里香爐山雲笈七籤以爲第七十一福地以其形似香爐故名開元中里人章壽學道盡得仙術今絕頂壇址宛然天寶六載禁樵採東西各二十五步南北各二十步金石誌錄以爲政和間始改爲寺誤

東山愛同寺懷道閣黎碑

在福州 開元二十五年

集古錄目云唐括州刺史李邕撰并書閣黎姓陳氏爲福州愛同寺僧碑以開元二十五年七月立

福建金石志

存目二

一

福建通志 總卷二十六

衍案鄭樵通志作大律故懷道閣梨碑李邕書云在福州黎黎古通字諸道石刻錄同

靈巖廣化寺刻

在興化府

寒山堂金石林時地攷云柳口撰李邕書

聖泉院置經略軍記

至德二載

馮志云見三山志

暨克華州廳壁記

在泉州

乾元初

輿地碑目云趙曄記在泉州

衍案暨克華乾元初泉州刺史見八閩通志

黃番廟記

廣德二年

復齋碑錄云唐吳安世撰并正書廣德二年六月初三日立

寶刻叢編云在建州

愛同寺西院大律師碑

貞元八年

三山志云大乘愛同寺有西院大律師碑劉太真撰于頔書
輿地紀勝云在閩縣大乘愛同寺于頔書

諸道石刻云貞元八年立

葉記云頔字允元謹七世孫也官至司空平章事

東山懷一律師碑

貞元八年

復齋碑錄云東山懷一律師碑唐皇甫政撰諸一作長文正書邱悌篆

額貞元八年四月十五日立

衍案三山志言懷道碑李邕撰懷一碑皇甫政撰而劉太真碑只稱西院大律師未知其爲懷道懷一惟志言懷一卜居於愛同寺之西而鄭樵通志又稱懷道爲大律師或同年而立二碑皇甫撰者屬懷一劉撰者屬懷道歟

鱗溪廟記

貞元十年

閩中金石志錄云見三山志

福建金石志

存目二

二

福建通志
總卷二六

東山愛同兩寺義食堂畫壁記

元和四年

諸道石刻云唐馮審撰顏顥書篆額元和四年立

三山志云大乘愛同寺在東山瑞聖里六年置大乘十二年置愛同皆律寺異居而同食故曰愛同大中十一年合而爲一

衍案六年十二年三山志不載年號照全書例承前條紀年爲梁大同惟大同十二年已改中大同元年必路遠未知

葉記云寶刻叢編作賀蘭皎書

聖泉院記

元和八年

三山志云東山聖泉院在瑞聖里景龍元年僧懷一始卜居於愛同寺之西苦乏水忽一日二禽鬪噪於地心異之杖錫往視因卓其所有泉如縷俄而湧凌文乃鑿石環其口分爲兩道注東者濯所用之南流者爲池蔡公襄有聖泉詩下注云涸十餘年今者復湧俗傳湧則民安寺舊名法華先天二年立今額唐劉軻記有唐李邕懷道塔碑皇甫政懷

一塔碑

道一二師碑云降舍利松不棲禽梁不巢燕池不生蛭庭不生凡草爲六奇

多寶塔

永泰中代宗書額益智常藏所

御書堂

藏本朝太宗所賜

衍案鄭樵通志云聖泉寺三碑內一碑于頔書三山志云愛同寺西院大律師碑唐劉太真撰于頔書諸道石刻錄云貞元八年立輿地紀勝云在閩縣餘同復齋碑錄云東山懷一律師碑唐皇甫政撰諸一作長文正書邱悅篆額貞元八年四月十五日立諸道石刻錄云聖泉寺法華院記唐劉軻撰太和四年立碑三面皆刻字輿地紀勝只作聖泉法華院無寺字今案于頔書一碑皇甫政撰一碑劉軻撰一碑凡三碑而三山志於愛同寺西院則數于頔書碑於聖泉院又數李邕書碑是四碑矣據集古錄及通志懷道閣黎碑懷道卽大律師是大律有二碑一李撰並書在前在愛同本寺不在西院一于頔書在後在聖泉院卽西院院在愛同寺之西也集古錄通志於李邕書無一字涉及西院通志於李邕于頔二書分別尤了了自三山志敘李邕書於聖泉院之下於

福建金石志

存目二

三

福建通志總卷二六

是懷道二碑疑均在西院矣至不棲禽不巢燕等語統稱道一二師碑究竟懷道碑乎懷一碑乎尤未分曉閩中錄云劉軻碑卽記湧泉事小草齋游記稱有一碑尙存今俱不可見金石沽錄降舍利上有天字蛭作蛙草上無凡字與三山志稍異懷一塔碑福州府志作皇甫政撰並書聖泉院記金石沽錄作元和八年與諸道石刻異

唐相李深之題名

在晉江

輿地碑目引清源集呂夏卿同巖大廷老閱書北屋看唐相李深之題名慨然作詩云一篇論諫手曾開七字題名拂綠苔莫道元和最多士幾人曾誦左軍來

衍案道光志以屬晉江古蹟然深之李絳字相憲宗攷本傳及各志職官絳未嘗宦閩不知何以有題名在泉州所謂七字者亦不知云何但呂夏卿與修新唐書又嘗集天下碑版類爲唐又獻考於絳題名當不至有誤

劉軻聖泉寺碑 太和四年

通志云在聖泉寺唐景龍中僧懷一鑿池得泉劉軻爲記

輿地紀勝東山聖泉法華院記劉軻撰在福州

案諸道石刻錄云聖泉寺法華院記唐劉軻撰太和四年立碑三面皆

刻字通志云景龍中非矣 閩中金石沾錄

廣化寺石刻 在莆田

金石林時地攷云靈巖廣化寺刻柳公權書在興化

新造上生院記 在神光寺 大中六年

復齋碑錄云唐李貽孫撰正書無名大中六年四月十三日立在神光寺

馮志云按李貽孫以大中六年爲福建團練副使見三山志又按謁嶽題名列銜福建都團練觀察處置使與御史中丞李貽孫大中五年七月二十七日

福建金石志 存目二

四

福建通志
總卷二六

復雲峯院碑 大中中

福州府志云撰人闕

侯官縣丞湯君墓誌 大中十二年

天一閣碑目云林琰撰

濬東湖記 在連江 咸通初

福州府志云邑令李辰撰

雙峯院記

福州府志云撰人闕

衍案閩中金石志金石沾錄作見三山志皆誤三山志只言雙峰院綏平里咸通五年置初僧師復卜築雙髻峰下久之移今所六年以觀察使李瓚請錫號護聖禪院並無撰記之說閩中金石記存目作福州府志云李瓚撰並云銜稱福建等州都團練觀察處置使朝議郎持節都督福州諸軍事守福州刺史兼御史中丞李瓚今府志亦無是說

懷安縣天王堂記 咸通六年

福州府志云何蟾撰

案今屬侯官

天王堂記 咸通七年

諸道石刻錄云唐盧標撰咸通七年立

三山志咸通七年作天王堂有記 閩中金石沽錄

福州府志作修築城北及剝天王樓記咸通中館驛巡官鄉貢進士盧標撰

神光寺碑 咸通八年

諸道石刻錄云唐李勣撰盧元書篆額咸通八年十二月立閩中記云神光寺在城內烏石山西

按鄭樵通志作盧充書元字當誤福州府志作咸通五年

西禪寺記 侯官

福建金石志 存目二

五

福建通志
總卷二六

福州府志云撰人闕金石沽錄云見三山志閩中金石記云三山志咸通八年福建廉使李景溫所作

案三山志西禪寺下只云咸通八年觀察使李景溫招長沙瀉山僧大安來居起廢而新之十年改名清禪尋又改延壽並未言作記

太姥山記 在福鼎

輿地碑目云乾符六年林嵩撰

葉記存目云嵩福建觀察使

延聖禪師碑 在鳳凰山 中和三年

諸道石刻錄云唐崔胤撰

三山志西禪寺下云咸通八年觀察使李景溫招長沙瀉山僧大安來居十四年賜號延聖大師中和三年坐化建塔於鳳凰山前爲亭曰大瀉明年勅賜大瀉延聖塔寺

馮志云長慶寺今存塔院碑已無攷

陳巖修城記 在福州 文德元年

三山志云熙甯二年修築子城時於後園草中得仆石乃陳巖修城記又云福州子城唐中和中觀察使鄭鑑始修文德元年陳巖復修衍案福州府志作重修子城記觀察使林嵩撰徧攷福建觀察使無林嵩其人惟据八閩通志唐才子傳東越文苑有長溪人林嵩登乾符二年進士第東歸觀察使李晦極重之辟爲團練巡檢官轉度支使乾符亦僖宗年號前文德十餘年時代畧相當觀察使或觀察使屬官之誤嵩本工詞賦故記爲其所撰歟

平寇石刻 在南平

馮志云南平平寇石唐末李先鋒系平寇於此郡人刻石頌之

衍案此李系卽名勝志靈祐廟記之李係

天王院留題 唐末

輿地碑目云在沙縣壁間有唐韓偓題詩

福建金石志 存目二

六

福建通志
總卷二六

修羅城碑 在福州 天復中

福州府志云觀察判官劉璐撰

案曹石倉名勝志天復元年於子城外環築羅城設大門便門十有六水門三南利涉門在今安泰橋北東南通津門俗呼青門樓東海晏門俗呼雞鴨門東北延遠門在今貢院前北永安門在懷安縣後西北安善門在西湖之旁西南清遠門卽今澳門橋

藏經銘 天祐二年

通志云在開元寺閩王審知時泥金銀萬餘勛作金銀子四藏經各五千四十八卷旃檀爲軸玉飾諸末寶髻朱架納龍腦以滅蠹蟬翁承贊

爲碑銘

案承贊字文堯福唐人乾甯三年進士初仕梁後爲閩諫議大夫勸太祖立四門學者

長樂縣巖湖碑

福州府志云撰人缺

福建金石志存目二

七

福建通志
總卷二十六

福建金石志卷十九

存目三 五代

中丞伍公墓志

在汀州

貞明元年

輿地碑目云貞明元年舍人張策撰在汀州府治

馮志云按十國春秋伍昌時寧化人太祖時爲偏將軍父夢授事太祖官左僕射殆夢授之碑也又按薛史張策字少逸燉煌人未弱冠落髮爲僧十餘年返初服出爲廣文博士改秘書郎天福中策奉其主書幣來聘太祖卽奏爲掌記天祐初拜職方郎中未幾遷中書舍人太祖受禪改工部侍郎加承召碑列銜舍人當在天祐初貞明爲後梁末帝不應仍書前官與史不合

瑯琊郡王王審知神道碑

同光四年

三山志引十國紀年云葬夫人任氏於閩縣鳳池山後忠懿王亦葬焉今鳳池寺山地唐同光四年改葬永福山則遵化里蓮花山也後唐賜

福建金石志 存目三

福建通志 卷三

神道碑張文寶撰

鄭杰閩中錄云五代史稱王卒於同光三年錢昱重修廟碑云在十二月十二日去四年不過十餘日是葬必在四年今云四年改葬一年兩易其處此必無之理也通志錄明林謹夫記發冢歌作後唐長興二年改葬似爲有理但未知所據耳三山志鳳池寺下云漢乾祐元年置本僧慧覺塔亭也初忠懿王易昇山僧田爲尙賢夫人藏室尋以施塔所夫旣易爲藏室旋又施之或是王在時已有改葬意及葬王遂遷附之遷者夫人王實未嘗葬而遷也

馮志云按十國春秋忠懿王同光三年辛未王薨葬於福州城北鳳池山長興三年改葬蓮花山有後唐所賜神道碑張文蔚撰三山志以爲同光四年改葬蓋沿十國紀年之誤文蔚當作文寶又按薛史文寶諫議大夫顓之子莊宗卽位以文寶知制誥歷中書舍人刑部侍郎蓋在同光時文蔚河閒人乾符初進士以開平二年卒贈右僕射蓋後梁太

祖時人

衍案馮志引三山志亦葬焉下少今鳳池寺山地六字唐同光上冬一後字蓮花山也下少後唐賜三字多墓田有二字神道碑下多後唐二字張文寶撰下尙有王氏在閩者無噍類今惟甥劉氏歲時祀之二句未引而弐出文正書今佚五字蓋柳東實未見三山志全從福建通志轉抄來也但王氏在閩二句可以不引而正書今佚一語則杜撰矣至葉記竟以爲文見三山志三山志何嘗有此文乎若十國春秋文寶可誤爲文蔚則長興三年改葬亦未必可据一年兩易葬處亦所常有何必不可耶同光四年改元天成必路遠未知耳閩中錄因論忠懿王與任夫人葬地並及王母董氏葬處與此碑攷據無涉馮志引之殊爲無謂今刪之

重修文宣王廟記 在建寧 天成四年

寶刻類編云劉纂撰劉曦度書天成四年七月十三日記在建寧

福建金石志 存目三

二

福建通志
卷二十六

漳州故羅漢禪師碑 清泰三年

諸道石刻錄云張廣撰僧匡政書寶刻類編云在福州

再興禪林寺記 在建寧 天福四年

寶刻類編云紹珪書李仁表撰天福四年四月五日立

靈端廟記 在連江 天福間

連江縣志云唐保大中鄭僉判南卿撰

尊勝經幢 天福九年

諸道石刻錄云李紹元書天福九年立寶刻叢編云在福州

王氏刺史廳壁記 在泉州 天福十二年

輿地碑目云黃滔撰保大五年立在泉州

馮志云碑亡集無此文

蕃書二碑 在侯官 開運元年

三山志云侯官龍德外湯院地方燠泉氣如琉黃能熟蹲鴟天德二年

占城國王遣其相金氏婆囉來道里不時遍體瘡疥訪而沐之即痊乃舍五千緡創亭其上陳莊記之有蕃書二碑方塔五級

鐘山肅安王廟記

在福州 廣順二年

三山志云鐘山肅安王廟子城西梁普通二年袁士俊捨宅爲鍾山寺王其寺之土地也後唐長興三年始建廟宇周廣順二年林嗣宗爲記衍案三山志未言有碑福州府志始以入碑碣

重興院碑銘

在福清 顯德二年

福州府志云在福清蒜嶺

三山志云重興院在光賢里顯德二年置初有庵號大悲是歲翁正度遷於山之趾號重興有碑銘

尊勝經幢并記

在福州 顯德二年

諸道石刻錄云僧文璵記顯德三年立

外湯院置田記

在福州 顯德六年

福建金石志

存目三

三

福建通志
總卷二六

諸道石刻錄云大德亞山高述顯德六年十一月立

三山志云龍德外湯院崇賢里天福十年置地多燠泉數十步必一穴或迸河渠中味甘而性和熱勝者氣如琉黃能熟蹲鴟旱潦無增減

勅封助國五里侯碑

在沙縣南五里大路旁 五代

道光通志云五里侯不詳何神相傳五代末有官兵與賊戰兵敗賊追之至此而路忽陷賊遂止故封之

福建金石志卷二十

存目四 宋

建善寺碑銘 在長溪 建隆四年

三山志云建善寺會昌間廢大中四年僧大千余奏復之賜大中建善爲額有建隆四年威武軍節度館驛巡官儒林郎吳慎辭撰碑銘今存

永春縣記 在德化 開寶二年

多暇亭記 全上

輿地碑目云永春縣記陳知柔撰開寶二年立又有江公望多暇亭記刻於碑陰

葉記云公望字民表睦州人舉進士建中靖國初由太常博士拜左司諫以直龍圖閣出知壽州入黨籍編管南安軍赦還卒建炎中贈右諫議大夫州志稱公望紹聖四年宰永春

福建金石志 存目四

福建通志
總卷二十六

福州東華宮泰山廟記 在閩縣 淳化四年

馮志云節度掌書記監察御史裴詢撰

衍案三山志只作淳化四年裴詢撰

台沙門石橋記 在福州 景德四年

福州府志云林洪範撰

萬姓統譜云洪範閩縣人有文才累舉不第教授門弟子以終著諸經義方

閩清縣廟學記 大中祥符二年

福州府志云邑令史溫撰

馮志云溫大中祥符間爲閩清令建學社設市井置射場多善政嚴辟疆一見知其才嘗自作記志之

懷安縣廟學記 祥符四年

福州府志云王簿陸東撰

閩清縣始置社稷壇記 神符中

福州府志云邑令史溫撰

閩清縣梅川廟記 天聖五年

福州府志云邑令邵寶撰

惠安靈光院記 天聖八年

輿地碑目云天聖八年蔡襄撰

勝果院記 在建寧 天聖中

輿地碑目云在建寧天聖中章得象撰

馮志云得象字希定浦城人頻從子咸平五年進士天聖中在相位八年

重修甘棠院記 在福州 天聖中

福州府志云邑令陳說之撰

馮志云說之絳子莆田人天聖八年進士終秘書丞

福建金石志 存目四

二

連江縣永定院建殿記 景祐二年

福州府志云陳彝撰

北苑五詠碑 景祐間

金石沽錄云宋龐籍撰在延平府東吉苑里籍景祐間為轉運使

五通廟記 在福州 康定元年

福州府志云進士方曷撰

善溪廟記 在閩縣 慶曆六年

馮志云文學范宗暉撰在福州

隆道侯廟記 在福州 慶曆八年

雍正通志云鄉貢進士翁定基撰駐泊都監楊永慶刻石

乘風堂記 在建安 慶曆八年

輿地碑目云在建寧北苑鳳凰山高處有石鐫為碣字大尺許端勁有體蓋慶曆戊子柯適記

名勝志云東坡序略北苑龍焙如翔鳳下飲之狀山最高處有乘風堂
堂側陞石碣字大尺許

連江縣顯應廟記 慶曆中

福州府志云潘奎撰

福清縣昭靈廟記 皇祐中

馮志云陳良撰良景祐元年特奏名甌寧人

古田縣廟學記 嘉祐二年

福州府志云邑令陳昌期撰

馮志云昌期字世卿古田人嘉祐間知古田見府志名宦郝志職官列
入紹興間誤

連江縣朱公橋記 嘉祐三年

福州府志云魯國曾撰

汭口通靈護境廟記 在永福 嘉祐七年

福建金石志 存日四

三

福建通志
總卷二六

福州府志云黃夔撰

馮志云夔慶曆間知連江

會稽亭詩刻 在福州 嘉祐八年

三山志云嘉祐八年元給事絳於伏老菴西南作會稽亭公出守龐公
籍等五十三人賦詩五十七章以寵其行刻其顯者實壁間

建公使庫記 嘉祐八年

福州府志云郡守元絳撰

古田縣寧境廟記 嘉祐中

福州府志云張彥博撰

馮志云彥博嘉祐中知興化有善政

連江縣建學記 嘉祐中

福州府志云邑人周希孟撰

案希孟字公闢侯官人與陳襄陳烈鄭穆爲友號四先生試將仕郎充

本州教授三表力辭不許府志作邑人誤

懷安縣移廟學記

福州府志云周希孟撰

謝泌祠記

在福州

馮志云陳烈撰泌字宗源歙人以景德元年四月刑部郎中自兩浙運使移知福州民爲立祠陸如筠書碑舊存甲仗庫見三山志陳烈字季慈侯官人仁宗屢詔不起宋史入隱逸傳曾爲福州教授

御茶亭碑

在建安

道光舊志云邱荷撰

葉記存目云荷建安人天聖八年進士

湛沂墓志銘

在侯官 治平中

鰲峰集云祭酒嶺古冢荒蕪旁有志銘完好爲治平中湛沂之墓劉康

夫撰文

福建金石志

存目四

四

福建通志
總卷二十六

程師孟飛昇臺題名

在侯官

劉奕飛昇臺題名

全上

西湖志云在昇山通志郡志均未載

周子大極圖

東坡雪堂圖

建昌宮詞

以上均邵武

閩書云儒學明倫堂西舊有石刻周子太極圖東齋有東坡雪堂圖東陽周懋跋西齋有建昌宮詞郡人黃永存跋

張方平神道碑

閩書云在南安壺公山

馮志云方平字安道宋城人以太子少師致仕謚文定嘗薦蘇軾爲諫官

衍案方平未嘗官福建何以有神道碑在南安恐是別一人